

第四一冊
博物彙編
藝術典
醫部

（卷）
三〇一四

古今圖書集成

中華書局影印

Z 225

1

欽定古今圖書集成博物彙編藝術典

第二百三十卷目錄

醫部彙考二百十

後陰門四

單方

鍼灸

導引

醫案

藝術典第二百三十卷

醫部彙考二百十

後陰門四

單方

大腸脫肛烏龍尾同鼠屎燒烟於桶內坐上熏之數

次即不脫烏龍尾即梁上塵也

風熱脫肛鐵粉研同白菰末傳上按入

虛冷脫肛石灰炒熱故帛裹坐冷即易之

大腸脫肛磁石半兩火煨酢滓七次為末每空心米

飲服一錢

又方用磁石末麪糊調塗臍上入後洗去

大腸脫肛苦參五倍子陳壁土等分煎湯洗之以木

賊末傳之

痔痢脫肛冷水調黃連末塗之

大腸脫肛蛇牀子甘草各一兩為末每服一錢白湯

下日三服并以蛇牀末傳之

老小脫肛香附子荊芥穗等分為末每服一匙水一

大槐煎十數沸淋洗之

下血脫肛白雞冠花防風等分為末糊丸梧子大空心米飲每服七十九

又方白雞冠花炒櫻櫚灰羌活一兩為末每服二錢

米飲下

肛門腫痛生芽根搗爛生之良

脫肛不收芋根搗爛煎湯熏洗之

大腸脫肛木賊燒存性為末摻之按入即止一方加

龍骨

脫肛不收莢荍子炒研傳之

大腸脫肛曼陀羅子連殼一對橡斗子十六箇同剉

水煎三五沸入砂硝少許洗之

大腸脫肛生苦蕒搗汁溫服之以猪肉汁洗手按之

令暖自入

久痢脫肛女萎切一升燒熏之

大腸脫肛下木慢頭連皮子切炒荻荅猪荅等分為末

每服二錢米飲下亦治夢遺名領陽丹

脫肛不收蒲黃和猪脂傳日三五度

大腸脫肛用紫浮萍為末乾貼之

脫肛不收生韭一斤切以酥拌炒熱綿裹作二包更

互熨之以入為度

大腸脫肛生菜蔬搗實臍中束覺有痛即除

諸瘡痔漏久不結痂用生薑連皮切大片塗白礬末

炙焦研細貼之勿動

痔漏脫肛胡荽子一升粟糠一升乳香少許以小口

瓶燒烟熏之

凡大人小兒脫肛每天冷及吃冷食即暴痢不止肛

則下脫久療不瘥者春間收紫葳花二斤曬乾為散

加磁毛末

水於面上

度即瘥

再漸加至

以半杏子

穀道生瘻

脫肛瀉血不止

九梧子大

大腸脫肛

二服仍以

大腸脫肛

痔漏脫肛

即收

大腸脫肛

養三四日

水以濃茶

然不再復

腸頭挺出

陽證脫肛

者去土一

大腸脫肛

大腸脫肛

念

一枚燒研

脫肛不收

脫肛不收

坐之經驗

大腸脫肛蠅皮一斤燒磁石煨五錢桂心五錢爲末每服二錢米飲下葉氏摘

脫肛痔疾五倍子半斤燒烟熏之或水煮極爛盛坐桶上熏之待溫以手輕托上內服參芪升麻藥方

又方用五倍子百草霜等分爲末酢熬成膏鵝翎掃傳上即入許濟方

瀉血脫肛石耳五兩炒白枯礬一兩密陀僧半兩爲末蒸餅丸梧子大每米飲下二十九

下痢脫肛橡斗子燒存性研末猪脂和傳直指

又方橡斗殼燒存性研末猪脂和捺并煎汁洗之大腸脫肛不蛙皂角五挺搥碎水浸取汁二升浸之

自收上收後以湯盪其膿肚上下令皂角氣行則不再作仍以皂角去皮酥炙爲末棗肉和丸米飲下三十九聖惠

大腸脫肛黃皮桑樹葉三升水煎帶溫番貯之直指

坐板瘡疥絲瓜皮焙乾爲末燒酒調搽之楊生聖

脫肛不收五花構葉陰乾爲末每服二錢米飲調下

兼塗腸頭聖惠方

大腸久積虛冷每因大便脫肛用蝸牛一兩燒灰猪脂和傳立縮

又方治上證及痢後脫肛用乾蝸牛一百枚炒研每用一錢以飛過赤汁磁石末五錢水一盞煎半盡調服日三

效也藥用

鷹嘴爪炙入麝香煎酥爲末酒一盞服之治痔漏有驗王右軍

肛門腫痛欲作痔瘡急取屠刀磨水服之甚效集驗

痔瘡腫痛以新磚坐之能去濕氣藥元

痔瘡腫痛鉛白霜白片腦各半字酒調塗之隨手見效聖惠

外痔腫痛黃丹滑石等分爲末新汲水調日五上之漏瘡不合重尿製爐甘石牡蠣粉外塞之內服滋補藥蘇南

痔漏腫痛無名異炭火煨紅米酢泮七次爲細末以溫水洗瘡綿裹頭填末入瘡口數次愈簡便

痔瘡有蟲并漏古礞石灰川烏炮等分爲末燒飯丸梧子大每服二三十九食前酒或米飲下聖法

痔瘡熱腫用鴨嘴青膽礬煨研蜜水調傳可以消脫直指

一切漏瘡有孔用信石新瓦火煨研末以津調少許於紙燃上插入使去惡管漏多勿齊上最妙就急

一切漏瘡故布裏鹽燒赤爲末每服一錢外聖

痔瘡漏瘡白礬青鹽各四兩爲末猪尿脬一箇盛之陰乾每服五錢空心溫水下聖方

冷瘡成漏明礬半生半熟熟者生肉生者追膿五靈脂水飛各五分爲末以皮紙裁條啞和末作小捻子香油捏濕於末上拖過剪作大小捻安入漏內早安午換候膿出盡後有些少血出方得乾水住藥自然生肉痊好

外痔腫痛白頭翁草一名野丈人以根搗塗之逐血

止痛衛生易

雞冠痔疾黃連末傳之加赤小豆末尤良千門

痔病祕結用此寬腸黃連枳殼等分爲末米糊丸梧子大每服五十九空心米飲下大聖方

脫肛取東壁土湯泡先熏後洗亦治小兒脫肛痔瘡痔腫不可忍者胡黃連末鵝膽汁調搽之集驗

下部漏瘡苦參煎湯日日洗之直指

痔瘡腫痛不可忍蛇牀子煎湯熏洗簡便

痔漏出血香白芷爲末每服二錢米飲下并煎湯熏洗神效直指

痔瘡腫痛先以皂角烟熏之後以鵝膽汁調白芷末塗之即消簡便

痔瘡腫痛鬱金末水調塗之即消簡便

痔漏腫痛荆芥煮湯日日洗之簡便

野雞痔病先以槐柳湯洗過以艾炙上七壯取效聖方

酒痔便血青蒿用藥不用草用草不用藥爲末糞前冷水糞後酒水調服聖方

痔疾下血益母草葉搗汁飲之金聖

五痔肛腫久不愈變成漏瘡用雞冠花鳳眼草各一兩水二碗煎湯頻洗聖方

中華書局影印

痔瘡腫痛連綿煎湯薰洗後以刀上飛過綠礬入麝香貼之方集

痔發腫痛扁竹搗汁服一升一二服未瘥再服亦取汁和麝作餅低煮食日三次藥性

內痔不出草烏為末津調點肛門內痔即翻出乃用枯痔藥點之集驗方

下部蟻蟲痛痒膿血旁生孔竅蟻螂七枚五月五日收者新牛糞半兩肥羊血一兩炒黃同搗成膏丸蓮子大炙熱綿裹納肛中半日即大便中蟲出三四度永瘥

數道赤痛或痔如蟲咬菟絲子炒黃黑為末雞子白和塗之方集

肛門痔痛用木鼈仁三枚砂盆搗如泥入百沸湯一椀乘熱先薰後洗日用三次仍塗少許方集

又方用木鼈仁帶潤者雌雄各五箇乳細作七丸梳覆濕處勿令乾每以一九唾化開貼痔上其痛即止一夜一九自消也屢用有效方集

痔瘡腫痛以馬兜鈴於瓶中燒烟薰病中良口華本草

五痔下血桂藤子燒存性米飲服二錢有功方集

痔漏有蟲黑白牽牛各一兩炒為末以猪肉四兩切碎炒熟蘸末食盡以白米飲三匙壓之取下白蟲為效

又方白牽牛頭末四兩沒藥一錢為細末欲服藥時先日勿夜飲大早空心將猪肉四兩炙切片蘸末細嚼食取下膿血為效量人加減用忌酒色油膩三日

漏瘡水溢乃腎虛也牽牛末二錢半入切開猪腎中

竹葉包定煨熟空心食溫酒送下借腎入腎一縱一橫兩得其便惡水既泄不復淋瀝

一切漏疾王瓜根搗傳之燥則易千金方

腸風痔漏用草薢貫衆去土等分為末每服三錢溫酒空心服之方集

痔瘡腫痛威靈仙三兩水一斗煎湯先薰後洗冷再溫之外科

瘡久成漏忍冬草浸酒日日常飲之要訣

瘡血內漏蒲黃末二兩每服方寸匕水調下服盡止方集

腸痔出血蒲黃末方寸匕水服之日三服

痔瘡腫痛虎耳草陰乾燒烟桶中薰之

痔瘡腫痛鵝不食草搗貼之

痔瘡出血雀林草一大握水二升煮一升服日三次見效外臺

痔瘡風腫作痛胡麻子煎湯洗之即消

一切漏瘡鹽麝和團燒研傳之千金方

下血成痔稻葉燒灰淋汁熱洗三五度瘥聖惠方

腸痔有血小豆二升苦酒五升煮熱日乾再浸至苦酒盡乃止為末酒服一錢日三服方集

五痔作痛胡荽子炒為末每服二錢空心溫酒下數服見效或水煮取汁冷服半升日二方集

肛門腫痛馬齒莧菜三葉酸草等分煎湯薰洗一日二次有效方集

痔瘡初起馬齒莧不拘鮮乾煮熱急食之以湯薰洗一月內外其孔閉即愈矣方集

痔瘡腫痛魚膽草一握煎湯薰洗仍以草挹痔即愈又方魚膽草煎湯薰洗後以枯礬入片腦少許傳之痔瘡腫痛苦壺盧苦賣菜煎湯先薰後洗乃貼熊膽密陀僧膽礬片腦末良方集

肛門酒痔絲瓜燒存性研末酒服二錢方集

痔漏脫肛絲瓜燒灰多年石灰雄黃各五錢為末以猪膽雞子清及香油和調貼之收上乃止方集

五痔下血桑耳作羹空心煎食三日一作待孔卒痛如鳥啄狀取大小豆各一升合搗作兩囊蒸之及熱更互坐之即瘥方集

腸痔下血用槐樹上木耳為末飲服方寸匕日三服方集

五痔下血杏仁去皮尖及雙仁者水三升研濾汁煎減半同米煮粥食之方集

腸痔出血桃葉一斛梓納小口器中坐蒸之有蟲自出方集

五痔作痛桃根木煎汁浸洗之當有蟲出

又方用桃皮并葉梓爛水漬令濃去查盛盆中漬之蟲自出本草

翻花痔瘡木瓜為末以鯽魚身上涎調貼之以紙護住醫林

痔瘡腫痛芥菜搗餅鎮坐之方集

痔瘡腫痛隔年曬乾梘子桶內燒烟熏之神效方
痔瘡腫痛把葉蜜炙烏梅肉焙為末先以烏梅湯洗貼之要

痔瘡出血梘子粉糯米各一升炒黃滾水調作果子取出蒸熟食之不過四五次效方

腸風血痔熱多者尤佳樹葉微炙研末一錢米飲調服未止再服方

蟻姑漏疾樹葉燒存性研以米泔別浸樹葉取汁洗瘡後乃納灰少許於瘡中方

蟲痔裏急積極為末每日空心以白湯調服二錢漏瘡惡穢大腹皮煎湯洗之方

痔漏脫肛每日旦空心嚼川椒一錢涼水送下三五次即收方

痔漏腫痛椒目一撮碾細空心水服三錢如神方
腸痔下血下部痒痛如蟲咬者掘地作坑燒赤以酒沃之搗吳茱萸二升入坑乘熱坐有孔板熏之冷乃下不過三四度愈方

久近痔漏三十年者三服除根用蓮花蕊黑牽牛頭末各一兩半當歸五錢為末每空心酒服二錢忌熱物五日見效方

漏瘡膿血白乳香二錢牡蠣粉一錢為末雪糕丸麻子大每薑湯服三十九方

血痔腸風血竭末傳之

內外痔瘡片腦一二分薑汁化捺之方

大腸脫肛緣桑蟲燒研和猪脂塗之立縮方

痔漏腸風臟毒下血者用百藥煎燒存性烏梅連核燒過白芷不見火為末米糊丸如梧子大每服七十

丸米飲下方
又方蜜薑子生用甘草多為末每服二錢水煎服之

痔瘡腫痛薔薇草根煎湯先熏後洗方
內外痔瘡用槐角子一斗搗汁壓稠取地膽為末同前丸梧子大每米飲服十九兼作槐子湯下或以苦參末代地膽亦可方

外痔長寸用槐花煎湯頻洗併服之數日自縮方
腸風痔疾用槐葉一斤蒸熟曬乾研末煎飲代茶久服明目方

痔瘡有蟲作痒或如膿血多取槐白皮濃煮汁先熏後洗良久欲大便當有蟲出不過三度即愈仍以皮為末綿裹納下部中方

漏瘡腫痛柳根紅髮煎水日洗

一方用楊柳條罐內燒烟熏之出水即效

痔瘡腫痛楮葉半斤搗爛敷之方
痔瘡腫痛枳殼煨熟熨之七枚立定方

又方枳殼末入瓶中水煎百沸先熏後洗方
痔漏水煮棘根汁洗之方

痔漏出水用蛻螂一枚陰乾入冰片少許為細末紙熱蘸末入孔內漸漸生肉藥自退出即愈方

又方用蛻螂焙乾研末先以薑湯洗過貼之方
痔瘡腫痛紫荊皮五錢新水食前調服方

一切漏瘡不拘蜂蟻鼠瘻蛻螂燒末酢和傳方
痔瘡用二十年鐵線袋取袋口燒灰水服方

年久痔漏田龜二三箇煮取肉入茴香葱醬常食果驗此疾大忌糟酢等熱物方

痔漏脫肛虎脛骨兩節以蜜二兩炙赤搗末蒸餅丸梧子大每侵晨溫酒下二十九取效方

肛門凸出虎骨燒末水服方寸匕日三服方
鶴重巢柴燒研飲服方寸匕一日三服治積年漏下不斷因篤者一月取效

十年痔瘡熊膽塗之神效一切方不及也方
腸風痔瘡熊膽半兩入片腦少許研和猪膽汁塗之方

坐板瘡疥生芝麻細嚼敷之方
漏瘡不合以紙粘臘猪脂納瘡中日五夜方

臘毒下血新槐花炒研酒服三錢日三服或用槐白皮煎湯服方

痔漏疼痛用田螺一箇入片腦一分在內取水搽之仍先以冬瓜湯洗淨方

臘毒下血苦楝子炒黃為末蜜丸梧子大米飲每吞十九至二十九方

又方馬齒莧湯洗淨搗活螺螄敷上其病即愈方
痔漏神方赤白茯苓去皮沒藥各二兩破故紙四兩石白搗成一塊春秋酒浸三日夏二日冬五日取出木籠蒸熟曬乾為末酒糊丸梧子大每酒服二十九漸加至五十九方

腸風痔瘡下血年深日近者如聖散用臘月野狸一枚蟠在罐內炒大棗半斤甘草四兩猪牙皂莢二兩同入罐內蓋定瓦上穿一孔鹽泥固濟煅令乾作一地坑以十字瓦支住罐子用炭五秤煨至黑烟盡青烟出取出溫土壘一宿為末每服二錢鹽湯下

又方以狸肉作羹其骨燒灰酒服方

痔瘡疼痛用赤足蜈蚣焙為末入片腦少許睡調傳之方

又方用蜈蚣三四條香油煮一二沸浸之再入五倍子末二三錢瓶收密封如遇痛不可忍點上油即時痛止大效方

痔瘡初起痛痒不止用藍襪烘熱熨之冷又易方元痔漏疼痛鯉魚鱗二三片綿裏如棗形納入坐之其痛即止方

腸風血痔用活鯽魚翅側穿孔去腸留鱗入白礬末二錢以搜包紙裹煨存性研末每服二錢米飲下每日二服方

腸痔下血鱧魚作鱸以蒜薑食之忌冷毒物方外痔內痔出血鱧魚食即止其性涼也方

風痔腫痛發歇不定者是也白蠶蠶二兩洗剉炒黃為末烏梅肉和丸梧桐子大每薑蜜湯空心下五丸妙方

痔漏下血蠶紙半張碗內燒灰酒服自除方痔門鼠痔蜘蛛絲纏之即落方

諸痔發痒用全蠍不拘多少燒烟熏之即效祕法也方痔瘡腫毒麝香當門子印城鹽等分塗之不過三次方

大腸痔疾蟾蜍一箇以磚砌四方安於內泥住火煨存性為末以猪廣腸一截紮定兩頭煮熟切碎蘸蟾末食之如此三四次其痔自落方

血痔漏瘡鷺鷥一隻治如常法炙熟細切以五味酢食之作羹亦妙方

痢類脫肛黑色堅硬用巴豆殼燒灰芭蕉自然汁煮入砂硝少許洗軟用真麻油點火滴於上以枯礬龍骨少許為末搽肛頭上以芭蕉葉托入方

諸痔疼痛青蛙丸用青色蛙長脚者一箇燒存性為末雪糕和丸如梧子大每空心先吃飯二匙次以枳殼湯下十五丸方

蟲蝕腎虧肛盡腸穿用青蛙一枚雞骨一分燒灰吹入數用大效方痔漏有蟲用狗肉煮汁空腹服能引蟲也方

又方用熟大肉蘸鹽汁空心食七日效方痔瘡下蟲不止者用飯月砂慢火炒黃為末每服二錢入乳香五分空心溫酒下日三服方

痔瘡腫痛用蝸牛浸油塗之或燒研傳之方腸風痔疾用鼈皮及骨燒灰米飲空心服二錢甚者入紅雞冠花白礬為末和之方

腸痔有血賴肝燒末水服一錢方脫肛不收茜根石楠皮各一握酒一盞煎七分溫服方

花上粉主治諸蟲瘻惡瘡痔疾納之方腸痔氣痔出血血用穿山甲燒存性一兩肉豆蔻三枚為末每米飲服二錢甚者加蜣螂皮灰一兩中病即止方

鼠痔成瘡腫痛用穿山甲尾尖處一兩炙存性醋甲酥炙一兩麝香五分為末每服一錢真茶湯服取效方

諸漏有膿蛇蛇灰水和傳上即蟲出方痔瘡腫痛蟬蛇膽研香油調塗立效方

一切冷漏白死蛇取骨為末封之大痛以杏仁膏摩之即止方

大腸氣痔作痛下血百藥煎末每服三錢稀粥調服日二次方

五痔下血蠅皮三指大雄黃如棗大熟艾一錢穿地作坑調和取便熏之口中有烟氣為佳火氣稍盡即停三日將息更熏之三度末瘥勿犯風冷羹臙將養切忌雞魚猪生冷二十日後補之方

腸痔有蟲蠅皮燒末生油和塗方痔瘡成漏膿水不止用羊羔兒膏鹽泥固濟煨過研末五錢入麝香雄黃末各一錢填瘡口三日必合方

下部漏痔大露蜂房燒存性研搗之乾則以真菓子油調方

五痔及腸風脫肛五倍子白礬各五錢為末順流水九如梧子大米飲下七丸方

漏血不止水蛭炒為末酒服一錢日二服惡血清即愈方

穀道生瘡久不愈用雞臙腔燒存性為末乾貼之如神方

肛門生瘡蓋肛門主肺肺熱即肛塞腫痛生瘡白蜜一升猪膽汁一枚相和微火煎令可丸九三寸長作挺塗油納下部臥令後重須臾通洩方

痔瘻出水用牛膽蠟各一枚臘粉五十文麝香二十文以三味和勻入牛膽中懸四十九日取出為丸如大麥大以紙撚送入瘡內有惡物流出為驗方

脫肛五倍子末三錢白礬一塊同煎湯先熏後洗又取末摻肛托入

諸痔腫痛蠶繭內入男子指甲令滿外用童子頂髮繻裏燒存性研末蜜調傳之仍日日吞牛膽製過槐子甚效

九漏有蟲乾人尿乾牛尿隔綿貼之蟲聞其氣即出若痒則易之蟲盡乃止

蟲食肛爛見五臟者即死以猪脂和馬蹄灰綿裏導入下部日數度瘥

內外痔瘡片臘一二分葱汁化搽之

一切漏疾白馬通汁每服一升良

治血痔用地榆皮爲細末每服二錢食前米飲調下

痔漏脫肛生鐵一斤水一斗煮取五升日再洗

治痔以白芷黃白芋作線快手緊繫痔上微疼不妨其痔自然乾癢而落

獻毒下血車前草連根一握生薑一小塊新水研碎取汁候血欲下時腰間必覺重便服一盞血即止甚

者不過再服

痔漏蟲蝕肛門熟艾一團雄黃少許同燒灰以竹筒納下部引烟熏之良

血痔取雞冠花不拘多少濃煎湯空心服一盞

腸風血痔及脫肛木賊槐花及桑耳水煎脫肛爲末摻肛托上

服亦佳
槐木上耳治諸痔及腸風臟毒取耳爲末米飲下一錢日三
五痔及腸風下血痔漏桑耳二兩梗米三合煮粥空心食之
桑樹木上寄生治腸風痔漏如神取葉乾爲末水酒米飲任下一錢或爲丸服亦佳
馬蘭根治痔漏取根研細傳上片時看肉平去藥稍遲恐肉反出以爐甘石煅牡蠣粉末塞之
血痔腸風臟毒取楞根白皮人參等分爲末空心米飲下二錢佳
腸痔及痔漏取有子蜂房焙乾爲末麝和九梧子大空心酒下二三十丸
五痔漏瘡取饅頭魚治如食法煮熟入椒鹽醬調和食之
血痔腸風臟毒取楞根白皮切酒浸蜜炒爲末棗肉和丸酒下三五十丸
酒痔下血取蘿蔔二十枚留葉寸許及根入罐內水煮極爛以薑鹽酢醃空心食之立止
肛門脫出取胡荽切一升燒熏之即入又酢煮熨之亦效
肛門熱腫取青慈葉刮取涎對停入蜜調勻先以藥水洗後敷痔上其冷如冰
治瘻取冬瓜藤濃煎湯熏洗即愈
痔漏取啄木鳥燒爲末納孔中不過二三度瘥
諸痔臘月牛脾一具熟食之勿與鹽醬未瘥再吃
五痔痔漏腸風脫肛一切痔病取蟬皮燒爲末米飲

下一錢空心服
痔漏狸骨炙和麝香雄黃爲丸服或爲末酒下二錢十服見效
五痔痔懸歸甲不拘多少燒爲末米飲下二錢名曰猪甲散
血痔腸風瀉血取野猪肉二斤切著五味炙熟空心食之作藥亦得又取外腎連皮燒作末米飲空心下即止
痔漏陰蝕爛瘡取鼯鼠燒爲灰空心米飲下二錢又取油塗之妙
痔漏溫置猪膽一枚苦酒一合同煎三兩沸滿口飲之蟲立死出即愈或灌肛內亦下蟲及惡物
大腸熱腫木鼈子五倍子研末蜜水調敷
塞漏孔方如痔漏有瘻用赤石脂白石脂枯白礬黃丹腦子同爲末塞之或飯和擦條插入
痔漏祕方用煉蜜半盞入熊膽一分再煉入水成珠不散將猪鬃綿裹成捻子將蜜塗在捻子上仍用片腦熊膽各半分研細搽在捻子上插入漏眼內底至盡頭則止如服多醫得一箇又醫一箇不可一齊上藥如見外皮潰爛用黃蠟黃丹麻油煎膏貼瘡上縛緊一七日效
取朽骨久疽及痔漏骨骨雞脛骨以上等雜黃實之鹽泥固濟火煅通紅取出地上出火毒去泥用骨研細飯丸如粟大以紙捲送入孔中瘻內更用膏藥貼之
痔漏用蠶魚腸以五味炙熟貼之良久蟲出即去之三次盡出

痔瘡有蟲蛇蝦生搗爲丸塞肛門中引蟲出盡末差便毒用木龍子大黃苦薤桃仁草龍膽石咬咀濃煎露星月一宿侵早溫服立愈

又方白蠟蠶槐花爲末酒調服一方加酒大黃

痔漏反花瀉血者用狐手足一副陰乾穿山甲蟬皮各三兩黃明膠白附子五靈脂蜀烏頭川芎鷄乳香各二兩剉細入砂鍋內固濟候乾炭火煨紅爲末入木香末一兩以芫荽煎酒調下二錢日三服屢效

方針

治濕置方取生薑刮去皮斷理切之極熟研取汁一升半又以水一升半合和先得平旦空腹服之仍割生薑二枚如蘭大以楸葉苦桃葉數重裹訖於爐灰中燒令極熱內下部中食頃若濕盛者三日一作類服無有不瘥

治蟲蝕下部方胡粉雄黃二味各等分爲末著穀道中亦治小兒濕重

治傷寒熱病多睡變成濕置四肢煩疼不得食方羊桃十斤切搗以熱暖湯三斗淹浸之日正午時入中坐一炊久不過二度瘥

下部蟲蠱病人齒無色唇上白喜睡憤憤不知痛痒處或下痢乃下部生蟲食肛也桃仁十五枚苦酒二升鹽一合煮六合服之

下部蟲瘡桃白皮煮取濃汁如稀湯入熊膽少許以綿蘸藥納入下部瘡上

臟毒下血烏犀散用淡豉十文大蒜二枚煨同搗丸梧子大煎香葉湯服十二丸日二服安乃止末絕根本無所忌

本無所忌

治腸脫肛出轉廣不可入方生苦薤根爲粉以猪脂膏溫塗隨手抑按自得縮入

治積冷利脫肛方枳實一枚石上磨令滑澤鑽安柄蜜塗炙令暖熨之冷更易取縮入止

痔漏脫肛栗核和諸藥煮之

藏毒欲作未作之時服之立消牙皂七片炭火煨黃包去皮陰地上去火毒爲末酒下

痔漏秘方用牡蠣二兩煨過入地坑埋之去火氣爲末若濕乾摻若乾以津調搽痔上

痔漏鯽魚一箇去腸入白礬令滿合之於瓦上燒過爲末以雞羽掃藥敷之立效

諸痔用蟬蛻五枚搗碎水銀一錢麝香冰片各五釐用銀簪蘸汁滴患上

痔漏用團魚一枚扯出頭殺之取血即將團魚頭燒灰爲末血爲丸如粟核大諒痔大小爲之入內

漏孔不合用石楠葉煎湯放在桶內熏洗待湯通手就將漏洗淨後將黃牛面前牙齒四枚裝在小瓶內用木屑燃之待白烟出爲度取出研末用津液蘸牙末點入漏孔處出黃水爲效黃牛牙齒須預製備用

痔貼藥之後恐毒水未盡將槐米一兩炒黃色用水一鍾煎至七分加酒半鍾溫服之痔永不發矣

治下部生蟲者桃皮煎如餅取內下部口中有瘡含之

股陰瘰癧無名異二錢麝香一字研酒半盤午後空腹服立效

治大孔蟲痒方蒸大棗搗膏以水銀捻和長三寸綿裹內大孔中明日蟲皆出也然水銀損腸胃宜慎之

治大孔蟲痒方蒸大棗搗膏以水銀捻和長三寸綿裹內大孔中明日蟲皆出也然水銀損腸胃宜慎之

治大孔蟲痒方蒸大棗搗膏以水銀捻和長三寸綿裹內大孔中明日蟲皆出也然水銀損腸胃宜慎之

痔漏用青荷葉燒灰爲末空心酒下三錢

又方用金銀藤并花爲末每日酒下三錢

五痔及腸痔下血蠶魚作膽和薑蜜食之又和五味作美食之亦佳

五痔及血痔鯽魚作膽和薑酢芥醬食之又作羹飽食良

熏痔方用大雄雞宰去血在湯鍋內燻去毛取出雞將此燻毛垢湯燒之二沸傾在淨桶內蓋定俟少溫將陽物放桶上坐緊熏之候湯溫洗痔淨拭乾隨將蜈蚣一條碾末艾二錢和捻成條放馬桶內坐熏之

其痔焦熟尤妙新生者一兩次得愈久生者五次得愈加蜈蚣并艾熏後隨服益氣清臟湯秦芫蒼水湯調治之

洗痔方馬蘭頭一斤皮硝四兩煎滾坐熏候湯溫洗

又方牛膝搗爛煎洗之

又方水紅花子打碎煎湯洗之

又方魚腥草煎湯洗之

又方白地菰煎湯洗之

下部生瘡已決洞者牡丹末湯服方寸匕日三

治男女脫肛用五倍子荆芥小便濃煎洗之

治腸風并脫肛及有血用蛇牀子不拘多少炒爲末貼大腸脫垂處立收甚妙

治諸般痔脫肛以死蛇一條如指大濕者用掘地坑燒之將有孔板蓋坑上坐熏烟絕爲愈

大腸脫肛權皮或葉煎湯熏洗後以白礬五倍末傳之方

腸頭出用皂角熏次用蜈蚣一箇入蜜浸去蜈蚣將蜜調土硃傳上即入

治穀道赤痛熬杏仁杵作膏傳之良愈

患五種痔水研山豆根服

治痔瘡用半新馬桶一箇入新磚一箇放桶底上再用新磚一箇燒紅於磚上上用全蠟兩三枚燒烟患人坐桶上熏之二三次即愈

穿腸痔漏極痛魚鱉搗如泥貼之其痛即止附方

痔瘡便血用活鯽魚一箇八兩重者洗淨鱗尾腸肚皆不去用椶皮二兩洗淨寸截先將椶一兩鋪在瓦罐內次安魚上面却將椶一兩蓋之罐口黃泥固濟火畔炙乾量罐大小開一地坑先安小磚一片後坐罐子四面用炭火七斤燒煨候烟絕取罐於淨地以瓦盆合定淨土壅勿令透氣經一宿出火毒取藥細研每服一錢食前用米飲調下忌動風之物

治痔瘡痛不可忍者木棉花煎湯旋入砂硝乘熱熏之候溫浸之單用硝水極妙

又方用槐花艾葉荊芥枳殼水煎入白礬末打勻熏洗方

腸風痔漏有蟲如絲黑頭取去除根罌麥半升牙皂角一寸共為末入猪腰子一雙內米泔煮空心食之少頃肚痛上攻蟲皆隨出作地坑埋之薄粥補之

治五痔方蒼耳莖葉以五月五日採乾為末水服方寸匕或丸桐子大服之立效方

洗痔方輕者用朝東馬齒莧劉寄奴濃煎湯熏待溫

却用手洗拭乾重者加大青葉梗乾者一半同煎痔瘡用灰莧菜根濃煎湯先熏後洗

又方取河水水類洗用蝸牛塗之一方治痔用雄雞膽片腦和勻貼之

肛門邊腫硬痛痒用白礬三分碎研用熱童便二盞化開洗痔上一日二三洗之

治痔痛不可忍以枸杞根杵爛煎湯熏洗痛立止方

肉痔腫痛朝陽黃土黃連末皮硝各一兩用猪膽汁同研如泥每日旋丸棗大納入肛門過一夜隨大便去之內服烏梅黃連二味丸藥方

痔瘡腫痛孩兒茶麝香為末唾津調傳

脫肛氣熱孩兒茶二分熊膽五分片腦一分為末人乳搽肛門上熱汁自下而肛收也亦治痔瘡方

漏瘡腫痛猪膽七箇綿臙脂十箇清水和勻搽七次即可愈

吐血痔血向東葉荷根一把搗汁三升服之方

藏毒下血黃連為末獨頭蒜煨研和九梧子大每空心陳米飲下四十九方

酒痔下血黃連酒浸煮熟為末酒糊丸梧子大每服三四十九白湯下一方用自然薑汁焙炒方

藏毒赤白地錦草洗暴為末米飲服一錢立止方

地柏主藏毒下血與黃芪等分為末米飲每服二錢

蜀人甚神此方方

鍼灸

靈樞曰熱病頭痛顙顙目瘳脈痛善衄厥熱病也取之以第三鍼視有餘不足寒熱痔

甲乙經曰痔痛攢竹主之

痔會陰主之凡痔與陰相通者死陰中諸病前後相引痛不得大小便皆主之

痔骨蝕商丘主之

痔纂痛飛揚委中及承扶主之

痔纂痛承筋主之

脫肛下利氣街主之

千金方曰飛揚主痔纂傷痛

絕骨主瘦馬刀厥腫

天突章門天池支溝主漏

商丘復溜主痔血泄後重

勞宮主熱痔

承筋承扶委中陽谷主痔痛腋下腫

久冷五痔灸脊中百壯

五痔便血失尿灸回氣百壯穴在脊窮骨上

病寒冷脫肛出灸臍中隨年壯

脫肛歷年不愈灸橫骨百壯又灸龜尾七壯龜尾即後窮骨是也

痔瘍全書曰藏毒初起微腫即用濕蚯蚓糞捻成餅如錢厚放患上艾壯如半粒豆大者燒之微熱即去再換餅燒之再易如前法以十四壯為期外用冰香散搽之

虛人脫肛夫冬至前天道嚴寒其氣極沉極降之際况人身小天地天在上人居中地居下豈不相應乎

治之不能即奏功也陽生後日長一線陽漸長陰漸消矣宜用灸法治之無不效者病人亦要戒氣少勞

爲上策擇晴明和暖吉日在不通風淨暖室中坐臥

取頂上旋毛中百會穴以醬一匕擦上灸灸三壯隨

服升元大補湯其肛漸收矣蓋百會爲一身之樞紐

大能升提下陷之氣故能奏功若冬至前不可灸灸

之何益次日再灸尾骶骨又灸臍中隨年壯壯此法余

用之甚效諸痔漏亦治之

丹溪心法曰凡痔瘡先取頭垢捏成餅子安痔頭上

其上又安大蒜一片以艾灸之

又痔痛以附子末津唾和作餅子如錢大安漏上以

艾灸令微熱乾則易以新餅再灸明日又灸直至肉

平爲效

醫學綱目曰脫肛取大腸俞百會長強肩井合谷氣

衝

針灸痔獨取足太陽經云足太陽之脈所生病者痔

瘰癧盛虛熱寒陷下取之蓋後世取承山穴者是也

其二論督脈而不見其取法經云督脈生病瘰癧痔蓋

後世取長強穴是也

痔漏下血裏急後重或痒或疼二白在掌後橫紋上

四寸手厥陰脈兩穴相並一穴在兩筋中一穴在大

筋外針入三分瀉兩吸

又法取長強一寸大痛方到穴瀉三吸如灸可七壯

雖久不愈者亦效

又法取承山二寸半補一呼如灸可七壯

古今醫統曰命門一穴脊在中與臍相對灸七壯治

五種痔病

又法長強一穴在尾骶上隨年壯灸之治五痔便血

最效

又法治痔疾大如黃瓜貫於腸頭發則僵仆以荆芥

湯洗之次以艾灸其上三五壯若覺一道熱氣入腸

中大瀉鮮紅血積一時許痛後其疾乃愈

又法治痔初起痛痒不止以舊布鞋底烘熱頻熨

之痛痒處冷則再烘熨其痛痒立止

脫肛灸長強穴三壯愈臍中隨年壯百會一穴在頂

中灸三壯治小兒脫肛

導引

古今醫統曰痔漏乃氣血下墜衝突爲痔既不能坐

又不能行立惟導引之法可愈矣其法高枕臥息

心調氣氣定其腫自收

又法兩手抱足頭不動足向口受氣衆節氣散來去

三七欲得捉左右側身各急挽腰不動去四肢腰上

下氣血凝滯髓內冷血冷筋急痔漏腫痛

又法兩足相陷向陰踞意蹙將兩手捧膝頭兩向急

勢捧之二十七竟身側兩向取勢二十七前後努腰七去

心勞痔病

又法踞坐合兩膝張兩足不息兩通治五痔

又法一足蹈地一足屈膝兩手抱懷鼻下急挽向身

極勢左右換易四七去痔五勞三里氣不下

保生祕要曰痔瘡導引法於尾閭骶骨間長強穴上

掐六十四度擦亦如數兼用吸提呵法自爾安樂

運動坐定息均注念存瘡吸提咽濁九口再凝長背

法運尾閭連瘡百遍復升腰俞連二十七數逐日行功

不間自去患根

痔漏導引法依愚慮念推而散之復兩手抱兩膝吹

而吸之

又法吹而散之各六遍旋轉其皮膚患處想火燒之

次升湧泉水入肺經推而散之

良背法靜坐片時將萬慮掃除疑神定志於本穴之

中背之腔子裏平心元慮處初從口念太乙救苦而

漸歸於心歸於背存無守有念茲在茲有復冥於無

神自虛而靈矣

醫案

瘡瘍全書曰一人患痔每日食海螺螄半升因鹹以

苦茶漱口納及一斗又能清心寡慾痔即消矣痔乃

臟火屬陽海螺螄乃性寒味鹹屬陰寒能敵火鹹能

軟堅茶又苦涼之味始有理也

儒門事親曰趙君玉常病痔鳳眼草刺蟬皮槐根徑

首之類皆用之或以乾薑作末塗諸肉炙食之大便

燥結不利且腫後數日因病黃子治令大瀉瀉數次

不言痔作麻先生偶記而書之君玉自識戴人之後

痔更不發耳

丹溪心法曰許孺人產後痔作瘡有頭如蒜頭大或

下鮮血或紫血大便疼與黑神散又多食肉大飽此

濕熱在大腸所爲以柳杏仁麻仁槐角各七錢枳實

皂角仁各五錢蒼朮歸尾生地各三錢大黃炒一錢

分六貼內三樣仁另研煎服而愈

醫學綱目曰一女子脫肛以糯米濃煎汁洗肛將磚

燒紅沃酢青布鋪其上令溫和而坐布上肛自吸入

唐峽州王文顯充西路安撫司判官乘驛入駱谷有

痔疾因此大作其狀如胡瓜貫於腸頭熱如瘡灰火至驛僮仆主驛吏云此病予曾患來須灸即瘥用柳枝濃煎湯先洗痔便以艾炷其上連灸三五壯忽覺一道熱氣入腸中因轉瀉鮮血穢物一時出至痛楚瀉後遂失胡瓜所在登輿而馳去

薛氏醫案曰一人不慎酒色患痔瘡腫肛門墜痛下血便燥脈洪大而瀉以當歸榔杏仁湯加桃仁四劑少愈更以四物湯加紅花桃仁條芩槐花數劑而愈一人素有痔勞役便脫肛腫痛出水氣下陷也用

補中益氣湯加茯苓芍藥十餘劑中氣復而愈後復脫作痛誤服大黃九腹鳴惡食幾危余用前湯加炮薑芍藥漸愈後去薑加熟地五味三十餘劑而愈

一人脾胃素弱或因勞或入房肛門即下腫痛甚用補中益氣湯加麥冬五味兼六味丸而愈後因過飲下墜腫痛誤用降火消毒虛證蜂起余用前湯加炮薑本香一劑再用前湯并加減八味丸兩月而安

一男子患痔大便秘結燥痛作渴脈數按之則實以秦艽蒼朮湯二劑少愈更以四物湯加麥連槐花枳殼四劑而愈

一人患痔成漏每登廁則痛以秦艽防風湯加條芩枳殼四劑而愈以四物加升麻本連劑防不復作

一男子患痔漏每登廁則肛門下脫作痛良久方收以秦艽防風湯數劑少愈乃去大黃加黃芪川芎芍藥而痛止更以補中益氣湯二十餘劑後再不脫

一婦人患痔腫焮痛甚以四物湯加麥連紅花桃仁牡丹皮四劑少止又數劑而愈
一婦人素患痔漏每因熱則下血數滴以四物湯加

黃連治之即愈後因大勞瘡腫痛經水不止脈洪大按之無力此勞傷血氣火動而然也用八珍湯加麥連蒲黃二劑而止後去蒲黃麥連加地骨皮數劑而安丹溪云婦人崩中者由臟腑傷損衝任二脈血氣俱虛故也二脈為脈經之海血氣之行外循經絡內營臟腑若氣血調適經下依時若勞動過極臟腑俱傷衝任之氣虛不能約制其經血故忽然而下謂之崩中暴下治宜大補氣血之藥調養脾胃微加鎮安心火之藥治其心補陰瀉陽經自正矣

一男子有痔漏每登廁肛脫良久方上診其脈細而微用補中益氣湯三十餘劑遂不再作丹溪云脫肛屬氣熱氣虛血熱血虛

一男子腎患漏口乾發熱喜膿不消稀脈來遲緩以豆豉餅灸及服八珍湯加麥門冬五味子軟柴胡地骨皮三月餘而愈後因不慎房勞復潰膿清脈大請辭不治果歿河間云因病致虛則為輕蓋病勢尚淺元氣未虛也至病初愈而勞復或飲食勞倦或房勞七情六慾陽痿陰弱致致虛損此因虛致損則為重病勢已過元氣已索故也

一男子痔瘡腫痛便血尤甚脈洪且瀉經云因而飽食筋脈橫解腸胃為痔蓋風氣通於肝肝生風風生熱風客則淫氣傷精而成斯疾遂與黃連當歸黃芪生地黃防風枳殼白芷柴胡槐花地榆甘草治之漸愈次以黃連丸而瘥又養生便血數年百藥不應面色痿黃眼花頭眩亦以黃連丸治之而平

曹銓因飲法酒肛門腫痛便閉脈實服劑防敗毒散不應予用黃連內疏湯而愈

一男子患痔脈浮鼓午後發熱作痛以八珍湯加黃芪柴胡地骨皮治之稍可彼欲速效用劫藥蝕之痛甚絕食而歿夫瘡之潰斂氣血使然也脈浮鼓日晡痛此氣血虛也丹溪云瘡口不合用大劑參芪木歸芎補之外以附子餅灸之更以補藥作膏貼之

一男子年踰四十有痔漏大便不實服五苓散愈加泄瀉飲食少思予謂非濕毒乃腸胃虛也當以理中湯治之彼不為然仍服五苓散愈甚復請予乃以理中湯及二神丸九月餘而平

李達因痔瘡怯弱以補中益氣湯少加麥連枳殼治之稍愈後因怒加甚時仲冬脈得洪大予謂脈不應時此乃腎水不足火來乘之藥不能治果歿於火旺之月常見患痔者腎脈不足俱難治

劉商有痔肛門脫出此濕熱下注真氣不能升舉診其脈果虛遂以四君子湯加黃芪芍歸蒼朮黃蘗升麻柴胡服之更以五倍子煎湯熏洗彼以為緩乃用砒霜等毒藥蝕之而歿夫劫藥特治其末且能伐真元鮮不害人慎之慎之

徐生因痔氣血虛虛飲食不甘小便不禁夜或遺精此氣虛兼濕熱而非瘡故也以補中益氣湯加山茱萸山藥五味子兼還少丹治之而愈

一男子患痔漏膿出大便諸藥不應診其脈頗實令用豬腰子一個切開入黑牽牛末五分線紮以荷葉包煨熟空心細嚼溫鹽酒送下數服頓退更以托裏藥而愈

一男子患痔漏口乾胃脈弱此中氣不足津液短少不能上潤而然以黃芪六一湯七味白朮散治之或

曰諸痛痒皆屬心火遂服苦寒之藥大便不禁而厥夫諸痛痒皆屬心火言其常也始熱終寒則反常矣可泥此而不察乎

一男子腎癰潰膿肌肉不生用藥敷之四治反硬予診之脈瀟而弱此氣血虛不能榮於患處故敷涼藥反硬乃氣血受寒凝結而非毒也用大補藥而愈

一男子腎癰腫硬作痛尺脈浮緊按之無力以內托羌活湯一劑痛止以金銀花散四劑膿潰而愈

一男子腎癰腫硬痛甚隔蒜灸之更服仙方活命飲二劑痛止腫消以托裏消毒散加黃蘗蒼朮羌活瘡頭膿潰而愈

一男子腎癰作膿而痛以仙方活命飲二劑痛止更以托裏消毒散膿潰而痊

一男子腎癰不作膿飲食少思先用六君子湯加苡歸黃芪飲食漸進更以托裏消毒散膿潰而愈

一男子潰而膿清不斂以豆豉餅灸之更飲十全大補湯兩月餘而痊凡瘡不作膿或不潰或潰而不斂皆氣血之虛也若膿清稀尤其虛甚也

一男子腎癰膿水不止肌肉漸瘦飲食少思胃脈微弦以六君子湯加藿香當歸數劑飲食遂進以十全大補湯及豆豉餅灸之兩月餘而斂

一弱人腎癰膿成不潰以十全大補湯數劑始托起乃針之又二十餘劑而愈夫腎居僻位氣血罕到老弱人患之尤宜補其氣血庶可保全

一男子腎癰腫色不變脈滑數而無力此腎癰也膿將成尚在內予欲治以托裏藥待發出而用針彼欲內消服攻伐藥愈虛復求治仍投前藥托出針之以

大補藥而愈凡瘡毒氣已結不起者但可補其血氣使膿速成而針去不可論內消之法膿成又當辨其生熟淺深而針之若大按之乃痛者膿深也小按之便痛者膿淺也按之不甚痛者未成膿也按之即復起者有膿也按之不復起者無膿也若腫高而與者發於血脈腫下而堅者發於筋骨肉色不相變者發於骨髓也

巡撫陳和峯脾胃不健服消導之劑左腿股及腎患腫此脾氣虛而下注非瘡毒也當用補中益氣倍加白朮彼惑於衆論云白朮能潰膿乃專以散腫消毒為主而腫益甚體益倦余用白朮一味煎飲而消

儒者楊啓元左腎患癰敷貼涼藥腫微內股服連翹消毒散左體皆痛余以爲足三陰虛損用補中益氣湯以補脾肺用六味丸加五味子以補肝腎股內消而腎間潰又用十全大補湯而瘡口斂

一儒者腎癰腫痛甚此邪毒壅滯用活命飲隔蒜灸而消後因飲食勞倦腫痛仍作寒熱頭疼此元氣虛而未復也與補中益氣湯頓用葱熨法兩月而愈

一男子腎癰腫而色不變脈滑數而無力膿將成矣余用托裏而欲針彼畏針而欲內消誤用攻伐之劑頓加惡寒發熱自汗等證余用十全大補湯數劑腫起色赤仍外針內補而愈

吳輔之父患腎癰內潰腫脹發熱口乾飲食少思此脾胃虛弱也先用六君子湯參芪數劑而潰又用十全大補湯倍加參芪五十餘劑而愈

一八年三十脈如屋漏雀啄腎癰腫硬色天膿水清稀誤服敗毒之藥余曰此足三陰虧損而藥復傷也

余用六君子加歸芪附子一錢二劑膿潰色赤又減附子五分數劑元氣復而瘡愈

一男子腎癰硬痛發熱此膀胱氣虛而濕熱壅滯用內托羌活湯二劑熱痛悉退後用托裏消毒散而潰又用托裏散四十餘劑而斂

平湖袁上舍患痔外敷寒涼內服消毒攻潰於腎膿水清稀脈洪大而數寒熱作渴余辭不治後果歿此足三陰虧損之證失滋化源以致真氣益虛邪氣愈甚矣不死何候

進士周希輔素有疝痔勞則小腹作痛莖出白津痔亦腫痛若飲食勞倦起居失宜則發寒內熱肢體疲倦服十全大補湯諸證並退彼欲去病根乃用攻病生肌之藥肌體骨立余用益氣湯地黃丸元氣漸復但自弛調攝不能全愈

寓意草曰舊鄉治父母張受先先生久患穿腸痔漏氣血大爲所耗有薦以吾鄉黃生善敷割者先生神其術一切內治之藥並取決焉不肖昌雅重先生文章道德之身昔居瀛海時曾令門人往候服息私商善後之策大意謂先生久困漏厄一旦平成精氣內榮自可百年無患然新造之區尚未堅固則有浸淫之虞臟氣久虛腸胃易滯則有轉注之虞清氣久陷既服甘溫升舉矣然漏下已多陰血暗耗恐毗於陽水穀易混既用養臟厚腸矣然潤劑過多脾氣易瀉恐毗於陰且漏孔原通精孔稍溢出勢必旁滲則案精當如拳虎厚味最足濡脾味精不節勢必走泄則生陰無取傷陰蓋人身脾氣每喜燥而惡濕先生漏孔已完敗濁下行者無路可出必轉滲於脾濕固

博物彙編醫部全錄卷一百三十醫部 後陰門

第四四一冊 之〇六藥

之〇六藥

之〇六藥

之〇六藥

倍之是宜補脾之陽勿傷脾之陰以復健運之常而收和平之益云云及至裏中應召往診指下輕取鼓動有力重按若覺微細是陽未見不足陰則大傷矣先生每進補陰之藥則夜臥甚寧腸辭亦稀以致瘍醫妄引槐角地榆治腸風下血之法治之亦不覺其悞其實漏病乃精數之病蓋精精之時氣留則精止氣動則精泄大凡強力入房者氣每衝激而出故精隨之橫決四射不盡繇孔道而注多溢於精管之外久久漸成漏管今漏管雖去而肉中之空隙則存填竅補隧非此等藥力所能勝也不肖姑不言其非但於藥方中去槐角地榆等而加鹿角霜一味所謂惟有斑龍頂上珠能補玉堂關下缺者是也况羣陰之藥最能潤下不有以砥之則腸中之水更游聚可虞耶然此特徵露一班耳瘍醫不解已沮為不可用因思吾鄉一治漏者潰管生肌外更有二神方先以丸藥半斤服之令人陽道緊痿俟管中肉滿管外緻密後以丸藥半斤服之令人陽道復興雖宜於少未必宜於老然用意亦大奇矣不肖纔欲填補竅隧而黃生沮之豈未聞此人此法乎

外科正宗曰一男子患痔六年每遇酒色勞役痔則發腫堅硬疼苦十餘日方得稍可彼欲斷其根以枯痔散上至七日外其痔漸黑外有裂縫至十六日痔枯脫落孔若雞心以生肌散逐日用之內服養血健脾藥而愈

一男子痔患歛腫作痛大便結燥脈數有力以內疏黃連湯二服便行痛止又以四物湯加芩連枳殼天花粉散劑而腫消更以臟連丸一料而不復發

一男子患痔凡遇勞苦發腫作痛以枳殼湯薰洗內服防風秦艽湯數服腫痛頓減今彼常洗前湯每月五六次內與六味地黃丸加黃蘗知母服之不發

一男子好飲多慾內痔虛墜下血以四物湯加芩連升麻葛根數服虛墜乃止又以當歸柳李仁湯二劑痔腫亦消更服臟連丸月餘便血亦止又月餘兼節酒色不發

一男子患痔十餘年頭已穿潰未及通腸每發疼苦以三品一條槍插至七日痔變黑色瘡邊漸漸裂縫至十五日脫落以鳳雛膏搽至半月口斂而平

一男子怯弱內痔便血面色痿黃自服涼血止血藥不應診之脾脈虛而無力此中氣不能統血以補中益氣湯十餘服精神頓倍便血亦少又以加味四君子湯兼前湯間服月餘不發大抵此證所致之由不同當究其因治之如元氣有餘形黑氣盛先養而後紫血更兼脈實有力者此屬有餘法當涼血止血藥應自效至若形體瘦弱面色痿黃鮮血而後養更兼脈虛無力者此屬不足豈可反用涼藥止之致傷脾胃此證若不溫中健脾升舉中氣其血不得歸原故藥難效傷其根本也

一男子患腎癰四五日始生疼痛至晚作寒六脈浮而帶數以人參敗毒散二劑寒熱頓退疼痛稍止彼值公務相關欲出乃用針點入患頂五六分流去紫血用蟾酥條插入膏蓋以活血散瘀湯二服次日流出紫血隨便可行更服托裏藥五六服而安

一男子患腎癰六七日歛腫發熱口乾便燥以托裏消毒散加花粉大黃二服便通渴止仍用前湯加角

針山甲數服而膿潰又以十全大補湯半月而斂

一男子患腎癰堅硬不潰此先寒涼之過也以十全大補湯加皂針蒼朮丹皮四劑堅硬漸軟又以透風散二服膿熟針之以前湯倍參芪歸朮月餘而斂

一男子暑月患腎癰自為內毒外用老鴉草搗爛敷之每日續飲涼水十餘碗如此三日瘡毒內陷患上平塌冰冷口噤不言六脈沉細如絲辭不可治至夜而死

一入冬月患腎癰外用四黃散涼水調傳內服敗毒涼藥毒亦內陷煩躁口乾鼻掀氣急患上平塌原頭存一空孔無水無膿予曰瘡毒已陷定不可治復請別醫俱曰無事予曰腎居小腹之後肌肉頑厚毒既到此必須內托為膿潰後最易收斂今已內外寒涼毒既內入豈能再出衆醫強投內消解毒定驟除煩之藥終至不應半月而死

欽定古今圖書集成博物彙編藝術典

第二百三十一卷目錄

醫部彙考二百十一

皮門

黃帝素問全經真言論 六節 經絡論 五經

大論 至真要大論 四時刺逆從論 五常

靈樞經 經天五變篇 本神篇 決氣篇 經

邪篇 九宮八風篇 論疾診尺篇 刺節真

扁鵲難經 皮聚 皮膚篇

張機金匱要略 不仁 甲錯

王叔和脈訣 經證 痛腫

孫思邈千金方 虛黃

朱肱活人書 在皮膚熱在骨髓熱在皮膚寒

劉完素六書 振弄 鼓搥枯桑

李杲十書 皮總論 乾燥 燥弄

朱震亨心法 病虛各經

虞搏醫學正傳 鼓搥

戴思恭證治要訣 振弄

樓英醫學綱目 皮部 肺經 肺經外微 痛腫

龔信古今醫鑑 鼓搥 皮膚 家澤 痛腫

張三錫醫學準繩六要 肺虛皮 鼓搥

徐春甫古今醫統 不仁

王肯堂證治準繩 不仁

陳士鐸石室秘錄 皮內蟲聚 開裂

方桂芳 白虎加人參湯 麻黃桂枝各半湯 四逆湯 通脈四逆湯 理中丸 天門冬膏 辛溫散 六和湯 養血正氣散 四物湯 大治

黃帝素問 經絡論 五經 大論 至真要大論 四時刺逆從論 五常 靈樞經 經天五變篇 本神篇 決氣篇 經邪篇 九宮八風篇 論疾診尺篇 刺節真

單方

鍼灸

導引

醫案

藝術典第二百三十一卷

醫部彙考二百十一

皮門

黃帝素問

金匱真言論

西方白色入通於肺開竅於鼻藏精於肺故病在肩其味辛其類金其畜馬其穀稻其應四時上為太白星是以知病之在皮毛也其音商其數九其臭腥

肺主皮毛故病在皮毛

六節臟象論

肺者氣之本魄之處也其華在毛其充在皮為陽中之太陰通於秋氣

肺主氣而藏魄故為氣之本魄之處也肺主皮毛故華在毛充在皮也臟真居高而屬陰故為陽中之太陰而通於秋氣秋主肺也

五臟生成篇

肺之合皮也其榮毛也其主心也多食苦則皮槁而毛拔

肺主氣氣主表故合於皮傷寒論曰寸口脈微而遲緩則陽氣長其聲商毛髮長毛附於皮氣長則毛榮多食苦是火味太過而傷肺則皮槁而毛落矣

診要經終論

太陰終者腹脹閉不得息善噫善嘔嘔則逆逆則面赤不逆則上下不通不通則面黑皮毛焦而終矣

足太陰脈入腹屬脾故為腹脹手太陰脈上屬肺而主呼吸故為不得息脹滿則升降難不得息則氣道滯故為噫為嘔嘔則氣逆於上故為面赤不逆則否塞於中故為上下不通脾氣敗則無以制水故黑色見於面肺氣敗則治節不行故皮毛焦

經脈別論

脈氣流經經氣歸於肺肺朝百脈輪精於皮毛

脈氣者水穀之精氣而流行於經脈中也言人胃之穀氣先淫氣於脈百脈之經氣總歸於大經經氣歸於肺是以百脈之氣皆朝會於肺也肺合皮毛故復輪精於皮毛

痹論

黃帝問曰痹之安生岐伯對曰風寒濕三氣雜至合而為痹也以秋遇此者為皮痹故骨痹不已復感於邪內含於腎筋痹不已復感於邪內含於肝脈痹不已復感於邪內含於心肌痹不已復感於邪內含於脾皮痹不已復感於邪內含於肺所謂痹者各以其特重感於風寒濕之氣也

痹者閉也邪閉而為痛也言風寒濕三氣錯雜

而至相合而為癰蓋皮肉筋骨內合於五臟五臟之氣外合於四時始病在外之有形復傷在內之五氣外內形氣相合而邪舍於內矣

帝曰癰其時有死者或疼久者或易已者其故何也岐伯曰其入臟者死其留連筋骨間者疼久其留皮膚間者易已

夫風寒濕氣中其俞其臟氣實則邪不動臟若神氣消亡則癰聚在臟而死其留連筋骨間而不內舍於其合者疼久其留皮膚間者隨氣而易散若中其俞則內通五臟衆之陰氣不藏則邪直入於臟而為不治之死證矣

帝曰善癰或痛或不痛或不仁或寒或熱或燥或濕其故何也岐伯曰痛者寒氣多也有寒故痛也其不痛不仁者病久入深榮衛之行滯經絡時疎故不通皮膚不營故為不仁

不仁不知痛癢也寒氣勝者為痛癢故痛者寒氣多也病久入深者久而不去將內舍於其合也邪病久則榮衛之道傷而行滯邪入深則不癰閉於形身而經絡時疎故不痛也榮衛行滯則不能營養於皮膚故為不仁

帝曰夫癰之為病不痛何也岐伯曰癰在於骨則重在於脈則血凝而不流在於筋則屈不伸在於肉則不仁在於皮則寒故具此五者則不痛也

骨有骨氣脈有脈氣筋有筋氣肌有肌氣皮有皮氣皆五臟之氣而外合於形身如病形而不傷其氣則止見骨癰之身重脈癰之血凝不行筋癰之屈而不伸肉癰之肌肉不仁皮癰之皮毛寒冷

故具此五者之形證而不痛也

皮部論

黃帝問曰余聞皮有分部脈有經紀筋有結絡骨有度量其所主病各異別其分部左右上下陰陽所在病之終始願聞其道岐伯對曰欲知皮部以經脈為紀者諸經皆然陽明之陽名曰害蜚上下同法視其部中有浮絡者皆陽明之絡也其色多青則痛多黑則癰黃赤則熱多白則寒五色皆見則寒熱也絡盛則入客於經陽主外陰主內少陽之陽名曰樞持上下同法視其部中有浮絡者皆少陽之絡也絡盛則入客於經故在陽者主內在陰者主出以滲於內諸經皆然太陽之陽名曰關樞上下同法視其部中有浮絡者皆太陽之絡也絡盛則入客於經少陰之陰名曰樞儒上下同法視其部中有浮絡者皆少陰之絡也絡盛則入客於經其人經也從陽部注於經其出者從陰內注於骨心主之陰名曰害肩上下同法視其部中有浮絡者皆心主之絡也絡盛則入客於經太陰之陰名曰關蠡上下同法視其部中有浮絡者皆太陰之絡也絡盛則入客於經凡十二經絡脈者皮之部也是故百病之始生也必先於皮毛邪中之則腠理開開則入客於絡脈留而不去傳入於經留而不去傳入於腑臟於腸胃邪之始入於皮也汙然起毫毛開腠理其入於絡也則絡脈盛色變其入客於經也則感虛乃陷下其留於筋骨之間寒多則筋攣骨痛熱多則筋弛骨消肉腠離破毛直而敗帝曰夫子言皮之十二部其生病皆何如岐伯曰皮者脈之部也邪客於皮則腠理開開則邪入客於絡脈

絡脈滿則注於經脈經脈滿則入舍於臟腑也故皮者有分部不與而生大病也帝曰善

此章論十二經之絡脈分絡於皮膚之間病之始生必先於皮毛入客於絡脈隨皮部所循之脈而傳入於經入舍於所主之臟腑如不入於絡則留於筋骨之間而為筋攣骨痛也

四時刺逆從論

少陰有餘病皮癰癢疼不足病肺癰滑則病肺風疝瀉則病積澁血

肺主皮毛毛脈合精於皮膚之間是以少陰之為皮癰肺癰也疝則病在氣也澁血則病在血也秋氣在皮膚秋者天氣始收腠理閉塞皮膚引急

五常政大論

太陽司天寒氣下臨心氣上從而火且明土過潤水豐行寒客至沉陰化濕氣變物水飲內積中滿不食皮癰肉苛筋脈不利甚則附腫身後癰

太陽司天則太陰濕土在泉故土乃潤稽積蓄癰癰也水飲中滿皮癰肉苛皆水濕之為病也身後癰者癰發於背也

至真要大論

歲少陰在泉熱淫所勝則焰浮川澤陰處反明民病腹中常鳴氣上衝胃喘不能久立寒熱皮膚痛目瞤齒痛頤腫惡寒發熱如瘧少腹中痛腹大蟄蟲不藏

虛畏陽光也齒痛腫熱乘陽明也發熱如瘧者少陰標本之氣病也熱在下焦則少腹中痛熱在中焦則腹大也

少陰司天熱淫所勝佛熱至火行其政民病胃中煩熱盛乾右肱滿皮膚痛寒熱欬喘

少陰司天子午歲也蓋少陰之火發於陰中故為佛熱少陰太陽陰中有陽陽中有陰陰陽相從標本互換是以火熱甚而大雨至水寒極而運火

炎民病胃中煩熱盛乾右肱滿皮膚痛肺受火熱而津液不生也

少陽司天火淫所勝則溫氣流行金政不平民病頭痛發熱惡寒而瘧熱上皮膚痛色變黃赤傳而為水身面附腫腹滿仰息泄注赤白瘡瘍欬唾血煩心胃中熱甚則軌衄病本於肺天府絕死不治

少陽司天寅申歲也火淫所勝故金政不平少陽之火在天為暑故民病頭痛寒熱瘧熱上皮膚色變黃赤火上淫於肺也肺者太陰皆積水也傳為水者逼其金水外溢故為腫滿之水病也仰息

肺氣逆而不得偃息也泄注赤白瘡瘍唾血煩心火熱盛也軌衄甚而及於肺此火淫勝金故病本於肺天府肺脈在腋下三寸動脈應手肺氣已絕故死不治

太陽之勝凝凜且至非時水冰羽乃後化痔瘡發寒厥入胃則內生心痛陰中乃瘍隱曲不利互引陰股

肌肉拘苛血脈凝泣絡滿色變或為血泄皮膚否腫腹滿食減

太陽寒水氣勝故凝凜且至非時水冰者勝氣

在於歲半以前是以初蟲後化也靈樞經曰足太陽是主筋所生病者為痔瘡者太陽寒熱之邪也

脈逆而入於胃者水侮土也胃絡上通於心故心痛也陰中乃瘍是以隱曲不利而互引陰股足太陽主筋故筋肉拘苛也血脈凝泣絡滿色變或為

血泄邪入於經也皮膚否腫者太陽之氣主表也腹滿食減者水氣乘脾也

少陰之復燥熱內作煩躁軌噎少腹絞痛火見燔炳陰燥分注時止氣動於左上行於右欬皮膚痛暴瘡

心痛鬱冒不知人乃酒漸惡寒振慄譫妄寒已而熱渴而欲飲少氣骨痿隔腸不便外為浮腫噦噫

軌噎噦噫熱上乘於肺也少腹絞痛少陰之陰氣發於下也火見燔炳君火之氣發於上也陰燥火

燦金也夫陰寒在腹則注泄得火氣則注止少陰標本並發故時注時止也氣動於左者君火之氣

發於左腎之水中上行於右者肺腎上下相交腎為本而肺為末也火淫肺金則欬而皮膚痛金主

聲故暴瘡也心痛者火氣自傷也鬱冒不知人者寒熱之氣亂於上也酒漸振慄者陰陽相搏也寒已而熱者少陰之陰寒從火化而為熱也是以渴而欲飲少氣骨痿蓋火盛則少氣熱盛則骨痿也噦者小腸之氣不通逆氣上走心而為噦也

疏五過論

始富後貧雖不傷邪皮焦筋屈痿瘓為舉

始富後貧則傷其志意志意者所以御精神收魂魄適寒溫和喜怒者也故榮衛調志意和則筋骨健強腠理緻密故傷其志意則精神不能內

守外為皮焦筋骨瘓瘓之病靈樞經

壽夭剛柔篇

形與氣相任則壽不相任則夭皮與肉相果則壽不相果則夭血氣經絡勝形則壽不勝形則夭

形謂皮肉筋骨人之形氣天命所生皮膚緩者天道之元亨也是以緩則壽而急則夭

本神篇

肺喜樂無極則傷魄魄傷則狂狂者意不存人皮革焦毛瘁色夭死於夏

喜樂心之情也如肺因喜樂無極則傷肺臟之魄魄傷則狂狂者意不存意者心之發蓋喜樂無極則神亦憊散而不存矣肺主皮毛故人皮革焦

決氣篇

上焦開發宣五穀味熏膚充身澤毛若霧露之溉是謂氣穀入氣滿淖澤注於骨骨屬屈伸洩澤補益腦髓皮膚潤澤是謂液

上焦氣宣發五穀之精微充膚熱肉潤澤皮毛若霧露之溉是謂氣穀入氣滿淖澤注於骨使骨

屬屈伸洩澤從髓空而補益腦髓皮膚潤澤是謂液

脈論

三焦脈者氣滿於皮膚中輕輕然而不堅

五變篇

黃帝曰人之善病消瘵者何以候之少俞答曰五臟皆柔弱善病消瘵此人皮膚薄而目堅固以深者長衝直揚其心剛剛則多怒怒則氣上逆胃中蓄積

血氣逆留腹皮充肌血脈不行轉而為熱熱則消肌膚故為消痺

五臟主藏精者也五臟皆柔弱則津液竭而善病消痺夫形體者五臟之外合也薄皮膚而肌肉弱則五臟皆柔弱矣夫柔弱者必有剛強謂形質弱而性氣剛也故此人薄皮膚而目堅固以深者其氣有長衝直揚之勢其心剛剛則多怒怒則氣上逆而血積於胃中氣逆留則充塞於肌肉血蓄積則脈道不行血氣留積轉而為熱熱則消肌膚故為消痺此言其人暴剛而肌肉弱者也

本臟篇

衛氣者所以溫分肉充皮膚肥腠理司開闔者也衛氣和則分肉解利皮膚調柔腠理緻密矣肺應皮皮厚者大腸厚皮薄者大腸薄皮緩腹裏大者大腸大而長皮急者大腸急而短皮滑者大腸直皮肉不相離者大腸結

心應脈皮厚者脈厚脈厚者小腸厚皮薄者脈薄脈薄者小腸薄皮緩者脈緩脈緩者小腸大而長皮薄而脈沖小者小腸小而短諸陽經脈皆多紆屈者小腸結

腎應骨密理厚皮者三焦勝脆厚粗理薄皮者三焦勝脆薄疎腠理者三焦勝脆緩皮急而無毫毛者三焦勝脆急毫毛美而粗者三焦勝脆直稀毫毛者三焦勝脆結也

論勇篇

黃帝曰四時之風病人如何少俞曰黃色薄皮弱肉不勝春之虛風白色薄皮弱肉者不勝夏之虛風

青色薄皮弱肉不勝秋之虛風赤色薄皮弱肉不勝冬之虛風也黃帝曰黑色不病乎少俞曰黑色而皮厚肉堅固不傷於四時之風其皮薄而肉不堅色不一者長夏至而有虛風者病矣其皮厚而肌肉堅者長夏至而有虛風不病矣其皮厚而肌肉堅者必重感於寒外內皆然乃病黃帝曰善

皮膚肌腠乃五臟元真之所通會是以薄皮弱肉則臟真之氣虛臟氣虛則不能勝四時之虛風矣虛風者虛邪不正之邪風也黑者水之色論腎氣之厚薄也不傷於四時之風者謂土旺於四季也不病長夏之風者謂土主於長夏也設有皮厚肉堅而傷於四時之風者必重感於寒也夫在地為水在天為寒腎為水臟上應天之寒氣是以色黑而皮厚肉堅之為病者必重感於寒外內皆然乃病謂外受天之寒邪內又傷腎臟之水氣

論痛篇

人之骨強筋弱肉緩皮膚厚者耐痛其於鍼石之痛火灼亦然加以黑色而美骨者耐火灼堅肉薄皮者不耐鍼石之痛於火灼亦然

少陰秉先天之精氣陽明化水穀之精微故筋骨之強弱肌肉之堅脆皮膚之厚薄腠理之疎密皆秉氣於少陰陽明者也黑色而美骨者少陰之血氣盛也肉緩皮膚厚者陽明之血氣盛也莫子晉曰腎為水臟故少陰之氣盛者能耐火灼陽明秉秋金之氣故氣弱則不能耐鍼石火灼矣

衛氣失常篇

黃帝曰人有肥瘦大小如何伯高曰膏者多氣而皮

縱緩故能縱腹垂腴肉者身體容大脂者其身收小衛氣盛則腠理肥是以膏者多氣而皮縱緩故能縱腹垂腴腴者腠下之少腹也肉者身體容大此衛氣盛而滿於分肉也脂者其身收小此衛氣深沉不能充於分肉以致脂膜相連而肌肉緊密故其身收小也

論疾診尺篇

尺膚滑其澤澤者風也尺肉弱者解休安臥脫肉者寒熱不治尺膚滑而澤脂者風也尺膚澹者風痺也尺膚粗如枯魚之鱗者水洩飲也尺膚熱甚脈盛燥者病溫也其脈盛而滑者病且出也尺膚寒其脈小者泄少氣尺膚矩然先熱後寒者寒熱也尺膚先寒久大之而熱者亦寒熱也

此診尺而知外內之病也夫津液渾渾澤於皮膚故尺膚滑其澤澤者知風在於皮膚而鼓動其津液也脂者肌肉文理間之脂膜尺膚滑而澤脂者風在於肌肉間也夫在外者皮膚為陽陽筋骨為陰病在陽者名曰風病在陰者名曰痹如尺膚澹者此風痹於筋骨間也此以尺膚之渾渾滑滑而知風邪之淺深也肌肉者五臟元真之所通會脾土之所主也故尺肉弱者主脾土虛而解休安臥解休者懈惰也脫肉者形損也寒熱者陰陽血氣虛也陽虛則惡寒陰虛則發熱陰陽氣皆以虛脫故為不治如枯魚之鱗者皮膚起粟也寒者水之氣此水邪洩飲於內故寒色見於外也溫病者寒毒藏於肌膚至春發為溫病故尺膚熱甚而脈盛燥者知其為病溫也其脈盛而滑者知病且出